

## UGOVORNE STRANE

1. **UNIVERZITET U SARAJEVU**, Obala Kulina bana 7/II, Sarajevo, kojeg zastupa rektor prof. dr. Rifat Škrijeij (dalje u tekstu: **Naručilac**), ID broj: 4200494560007
2. **R&S**, Igmanska b.b, 71 320 Vogošća, kojeg zastupa direktor Kemal Selmanagić (u daljnjem tekstu: **Prodavac**),  
ID: 4200056290005  
Transakcijski račun br. 3389002208510172 kod UniCredit bank dd

zaključile su

## U G O V O R o nabavci audio opreme

### I - PREDMET UGOVORA

#### Član 1.

- (1) Predmet ovog Ugovora je nabavka robe: audio oprema za potrebe projekta iMARECULTURE, u skladu sa Zahtjevom za dostavljanje ponude **Naručioca** broj: 0101-60598-2/18 od 17. 10. 2018. godine (u daljem tekstu: **Zahtjev Naručioca**) i prihvaćenom **Ponudom Prodavca** broj: 21939/18 od 24. 10. 2018. godine (u daljem tekstu: **Ponuda Prodavca**), koja je po tom osnovu sastavni dio ovog Ugovora.
- (2) **Prodavac** se obavezuje da izvrši isporuku robe u skladu sa **Ponudom Prodavca**, **Zahtjevom Naručioca** i pozitivnim propisima koji uređuju predmetnu oblast.

### II-OBAVEZE NARUČIOCA

#### Član 2.

**Naručilac** se obavezuje da nakon izvršene isporuke ugovorene robe i dostave fakture od strane **Prodavca**, zajedno sa **Zapisnikom** o kvantitativnoj i kvalitativnoj isporuci ugovorene robe, izvrši plaćanje iste u roku utvrđenim ovim Ugovorom.

### III – OBAVEZE PRODAVCA

#### Član 3.

**Prodavac** se obavezuje izvršiti isporuku ugovorene robe u roku od 7 (sedam) dana, te da dostavi fakturu, zajedno sa **Zapisnikom** o kvantitativnoj i kvalitativnoj isporuci ugovorene robe.

### IV – ROK ISPORUKE ROBE I GARANCIJA

#### Član 4.

- (1) Rok za isporuku robe je 30 (trideset) dana po potpisivanju Ugovora.
- (2) **Garancija** za isporučenu robu traje 12 mjeseci.

### V-VRIJEDNOST ROBE

#### Član 5.

- (1) **Vrijednost** ugovorene robe iznosi 2.189,80 KM (dvijehiljadestotinuosamdesetdevetKM i 80/100) bez PDV-a.
- (2) **PDV (17%)** iznosi 372,27 KM (tristotinesedamdesetdvijeKM i 27/100).
- (3) **Vrijednost** ugovorene robe sa PDV-om iznosi 2.562,07 KM (dvijehiljadepetstotinašezdesetdvijeKM i 07/100).
- (4) **Vrijednost** ugovorene robe je fiksna i ne može se mijenjati za vrijeme trajanja ovog Ugovora.

### VI-NAČIN I ROK PLAĆANJA

#### Član 6.

**Prodavac** se obavezuje dostaviti **Naručiocu** fakturu i **Zapisnik** o kvalitativnoj i kvantitativnoj isporuci ugovorene robe odmah po izvršenoj isporuci, a **naručilac** se obavezuje istu platiti u roku od 7 (sedam) dana od dana dostave na transakcijski račun **Prodavca** broj: 3389002208510172 koji se vodi kod UniCredit bank dd Sarajevo.

## VII – ZAVRŠNE ODREDBE

### Član 7.

- (1) Naručilac i Prodavac sporazumni su da se eventualni sporovi koji proisteknu iz ovog Ugovora prvenstveno rješavaju međusobnim dogovorom.
- (2) Ukoliko se spor ne riješi dogovorom, obje ugovorne strane sporazumno prihvataju odluke nadležnog suda u Sarajevu.

### Član 8.

Ovaj Ugovor stupa na snagu danom potpisivanja ugovornih strana.

### Član 9.

Ovaj Ugovor sastavljen je u 4 (četiri) jednaka primjerka, od kojih svaki ima dokaznu snagu originala. Svaka ugovorna strana zadržava po 2 (dva) primjerka.

PRODAVAC



Direktor  
Kemal Selmanagić

Sarajevo, 31. 10. 2018. g.

Broj: 06/11/18

NARUČILAC:

Rektor Univerziteta u Sarajevu  
Prof. dr. Rifat Škrijelj

Sarajevo, 31. 10. 2018. g.

Broj: 0101-6059-4/18

